



Broj: 16-12-16-4788- 18 /20
I. Sarajevo, 16.09. 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije Agencije za javne nabavke od 27.08.2020. godine u postupku javne nabavke usluge osiguranja objekata Državne agencije za istrage i zaštitu, na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-4788/20 od 09.09.2020. godine, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu
za dostavu ponuda za javnu nabavku usluge osiguranja objekata
Državne agencije za istrage i zaštitu

Član 1.

Prihvata se preporuka Komisije I za provođenje postupka nabavke za potrebe Državne agencije za istrage i zaštitu u 2020. godini, broj 16-12-16-4788/20 od 09.09.2020. godine i ugovor za javnu nabavku usluge osiguranja objekata Državne agencije za istrage i zaštitu, za period od dvije godine, dodijeljuje za:

- LOT 1 – nabavka usluge osiguranja objekta sjedišta Državne agencije za istrage i zaštitu u Istočnom Sarajevu, ponuđaču „Wiener osiguranje VIG“ a.d. Banja Luka, ponuda broj 16-12-16-4788-7/20 od 17.07.2020. godine, za ponuđenu cijenu od 6.597,24 KM bez uračunatog PDV-a;
- LOT 2 – nabavka usluge osiguranja objekta Regionalne kancelarije Mostar, ponuđaču „Wiener osiguranje VIG“ a.d. Banja Luka, ponuda broj 16-12-16-4788-6/20 od 17.07.2020. godine, za ponuđenu cijenu od 949,06 KM bez uračunatog PDV-a.

Član 2.

(1) Ponuđač „Wiener osiguranje VIG“ a.d. Banja Luka obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluge osiguranja objekata Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4788-1/20 od 02.07.2020. godine, putem konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-2-151-3-30/20 od 10.07.2020. godine. Procijenjena vrijednost javne nabavke je ukupno 12.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2020. godine („Službeni glasnik BiH“, broj 21/20) i Dokumenta okvirnog budžeta 2021.-2023. godina.

Predmet javne nabavke podijeljen je na LOT-ove:

- LOT 1 - Nabavka usluge osiguranja objekta sjedišta Državne agencije za istrage i zaštitu u Istočnom Sarajevu, procijenjene vrijednosti 12.000,00 KM;
- LOT 2 - Nabavka usluge osiguranja objekta Regionalne kancelarije Mostar, procijenjene vrijednosti 4.000,00 KM.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 20.07.2020. godine do 13,00 sati, te da se ponude dostavljaju u zatvorenoj koverti, Komisija je dana 20.07.2020. godine u 14,00 sati izvršila javno otvaranje ponuda prema datumu i vremenu prijema. Javnom otvaranju ponuda prisustvovao je predstavnik ponuđača ASA osiguranje d.d. Sarajevo, g-din Oliver Sekulić.

Blagovremeno je dostavljeno 11 ponuda i to:

R.br.	Naziv ponuđača	Ponuđena cijena u KM (bez PDV-a)
1.	Wiener osiguranje VIG a.d. Banja Luka	LOT 1 = 11.432,40
2.	Wiener osiguranje VIG a.d. Banja Luka	LOT 2 = 2.508,00
3.	Dunav osiguranje a.d. Banja Luka	LOT 1 = 11.850,30
4.	Dunav osiguranje a.d. Banja Luka	LOT 2 = 3.570,00
5.	Sarajevo osiguranje d.d. Sarajevo	LOT 1 = 8.023,96 LOT 2 = 2.562,78
6.	Croatia osiguranje d.d. Banja Luka	LOT 1 = 11.061,60 LOT 2 = 3.066,30
7.	ASA osiguranje d.d. Sarajevo	LOT 1 = 11.604,00
8.	ASA osiguranje d.d. Sarajevo	LOT 2 = 3.870,00

9.	Central osiguranje d.d. Sarajevo	LOT 2 = 2.106,00
10.	Adriatic osiguranje d.d. Sarajevo	LOT 1 = 11.886,00
11.	Adriatic osiguranje d.d. Sarajevo	LOT 2 = 3.805,20

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Uvidom u dostavljene ponude Komisija je utvrdila da su u predmetnom postupku javne nabavke ponude dostavili sljedeći ponuđači i to za:

- LOT 1: Wiener osiguranje VIG a.d. Banja Luka, Dunav osiguranje a.d. Banja Luka, Sarajevo osiguranje d.d. Sarajevo, Croatia osiguranje d.d. Banja Luka, ASA osiguranje d.d. Sarajevo i Adriatic osiguranje d.d. Sarajevo;
- LOT 2: Wiener osiguranje VIG a.d. Banja Luka, Dunav osiguranje a.d. Banja Luka, Sarajevo osiguranje d.d. Sarajevo, Croatia osiguranje d.d. Banja Luka, Central osiguranje d.d. Sarajevo, ASA osiguranje d.d. Sarajevo i Adriatic osiguranje d.d. Sarajevo.

Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači Wiener osiguranje VIG a.d. Banja Luka, Dunav osiguranje a.d. Banja Luka, Sarajevo osiguranje d.d. Sarajevo, Croatia osiguranje d.d. Banja Luka, ASA osiguranje d.d. Sarajevo, Central osiguranje d.d. Sarajevo i Adriatic osiguranje d.d. Sarajevo ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Za postupak javne nabavke usluge osiguranja objekata Državne agencije za istrage i zaštitu Konkurentskim zahtjevom predviđeno je provođenje e-aukcije. Imajući u vidu da je zaprimljeno 11 prihvatljivih ponuda, Komisija je zakazala e-aukciju za dan 27.08.2020. godine i to za LOT 1 sa početkom u 10:00 sati, u trajanju od 15 minuta i za LOT 2 sa početkom u 11:00 sati, u trajanju od 15 minuta.

Prema Izvještajima o toku i završetku e-aukcije od 27.08.2020. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

ZA LOT 1		
Redni broj	Naziv ponuđača	Vrijednost ponude (bez PDV-a)
1.	Wiener osiguranje VIG a.d. Banja Luka	6.597,24 KM
2.	Croatia osiguranje d.d. Banja Luka	6.756,23 KM
3.	Sarajevo osiguranje d.d. Sarajevo	7.257,30 KM
4.	ASA osiguranje d.d. Sarajevo	11.604,00 KM
5.	Dunav osiguranje a.d. Banja Luka	11.850,30 KM
6.	Adriatic osiguranje d.d. Sarajevo	11.886,00 KM

ZA LOT 2		
Redni broj	Naziv ponuđača	Vrijednost ponude (bez PDV-a)
1.	Wiener osiguranje VIG a.d. Banja Luka	949,06 KM
2.	Central osiguranje d.d. Sarajevo	1.014,00 KM
3.	Croatia osiguranje d.d. Banja Luka	1.218,07 KM
4.	Adriatic osiguranje d.d. Sarajevo	1.812,00 KM
5.	Sarajevo osiguranje d.d. Sarajevo	2.562,78 KM
6.	Dunav osiguranje a.d. Banja Luka	3.570,00 KM
7.	ASA osiguranje d.d. Sarajevo	3.870,00 KM

Nakon provedenog postupka e-aukcije, a prema Izvještajima o toku i završetku e-aukcije od 27.08.2020. godine, Komisija je utvrdila da je za navedeni postupak bilo snižavanja cijene ponuda, kao i da iste podliježu primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor u postupku javne nabavke usluge osiguranja objekata Agencije, za period od dvije godine, dodijeli ponuđaču „Wiener osiguranje VIG” a.d. Banja Luka za LOT 1 i LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x;
- Sektoru za mat.-fin. poslove;
- a/a.

